



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine, broj: 49/06 i 51/09), člana 38. i člana 116. Statuta Grada Cazin („Službene novine Grada Cazin“, broj: 4/21) i člana 3. stav 5. Pravilnika o kriterijima, načinu i postupku raspodjele sredstava iz Budžeta Grada Cazin u svrhu subvencioniranja i mjera poticaja privatnim preduzećima i poduzetnicima u cilju sanacije posljedica u privredi uzrokovanih pandemijom koronavirusa (bolesti covid-19) i razvoja privrede, Gradonačelnik raspisuje

**JAVNI POZIV**  
**za odabir korisnika poticajnih sredstava za**  
**održivost privrednih subjekata u 2021.godini**

**1. PREDMET JAVNOG POZIVA**

Predmet Javnog poziva je dodjela sredstava poticaja za održivost privrednih subjekata u 2021.godini koja će se financirati iz Budžeta Grada Cazin.

**2. CILJ / SVRHA POTICAJA**

Cilj ovog Javnog poziva dodjele sredstava poticaja je održavanje pozitivnog trenda poduzetničke aktivnosti s aspekta povećanja broja novoosnovanih subjekata malog gospodarstva, jačanja njihove održivosti i povećanja broja zaposlenih lica, a sve sa svrhom razvoja privrede i sanacije posljedica u privredi uzrokovanih pandemijom koronavirusa.

**3. CILJNI KORISNICI**

U ciljne korisnike poticaja spadaju nezaposleni građani i privredni subjekti, koji su:

a) nezaposleni građani koji nisu imali pa odjavili neku od poslovnih djelatnosti u toku 2021.godine ili članovi njihove uže porodice, koji su zainteresirani za pokretanje vlastitog biznisa u Gradu Czinu, a radi se o biznisima koji su po strukturi KD BiH 2010 svrstani u najmanje jednu od slijedećih područja odnosno u najmanje jednu od slijedećih oblasti:

- područje C: Prerađivačka industrija
- iz područja F: Građevinarstvo - oblast 43
- područje J: Informacije i komunikacije
- iz područja M: Stručne, znanstvene i tehničke djelatnosti - oblasti 72, 73, 74, 75
- područje P: Obrazovanje

b) privredni subjekti čiji osnivači/vlasnici nisu imali pa odjavili neki od biznisa u toku 2021.godine ili članovi njihove uže porodice, a radi se o privrednim subjektima koji su osnovani u toku 2021.godine sa sjedištem u Gradu Czinu, te koji su po strukturi KD BiH 2010 svrstani u najmanje jednu od slijedećih područja odnosno u najmanje jednu od slijedećih oblasti:

- područje C: Prerađivačka industrija
- iz područja F: Građevinarstvo - oblast 43
- područje J: Informacije i komunikacije

- iz područja M: Stručne, znanstvene i tehničke djelatnosti - oblasti 72, 73, 74, 75
- područje P: Obrazovanje

Sredstva se mogu dodijeliti samo biznisima i privrednim subjektima ako svoje poslovanje obavljaju kao osnovnu djelatnost.

#### **4. UVJETI SUDJELOVANJA NA JAVNOM POZIVU KOJE APLIKANT MORA ZADOVOLJITI**

a) Za postojeće privredne subjekte:

- da je privredni subjekat registrovan u toku 2021.godine
- da ima sjedište u Gradu Cazinu,
- da je osnivač/vlasnik državljanin BiH,
- da osnivač/vlasnik privrednog subjekta ili njegov uži član porodice nije imao pa odjavio neku poslovnu djelatnost u 2021.godini;

b) Za nezaposlene građane koji žele pokrenuti novi biznis-start up:

- da je aplikant nezaposleno lice,
- da je aplikant državljanin BiH,
- da je predmet aplikacije osnivanje poslovne djelatnosti u Gradu Cazinu,
- da aplikant ili njegov uži član porodice nije imao pa odjavio neku od poslovnih djelatnosti u toku 2021.godine;

#### **5. NAMJENA SREDSTAVA**

Sredstva iz javnog poziva su planirana kao subvencija za nabavku nove opreme (mašina, alata i sl.) i/ili novog repromaterijala potrebnih za odvijanje djelatnosti.

#### **6. IZNOS PREDVIĐENIH POTICAJNIH SREDSTAVA**

Ukupan iznos sredstava poticaja iznosi 80.000,00 KM (slovima: osamdeset hiljada KM) i usmjeren je na:

- sufinansiranje troškova nove opreme i/ili novog repromaterijala koji su potrebni za obavljanje registrovane djelatnosti, odnosno djelatnosti koju će registrovati uz podršku poticajnih sredstava u iznosu do 100% od vrijednosti nabavke, s tim da je maksimalni iznos sufinansiranja 4.800,00 KM. Neprihvatljivi su troškovi nabavke vozila, troškovi leasinga opreme, kao i troškovi bankovnih garancija vezanih za nabavku opreme.

Iz sredstava poticaja neće se finansirati troškovi koji su nastali prije odabira korisnika i potpisivanja ugovora sa istim.

#### **7. PRIJAVA NA JAVNI POZIV I POTREBNA DOKUMENTACIJA**

Podnosioci prijave na ovaj javni poziv mogu biti postojeći privredni subjekti koji zadovoljavaju uvjete iz tačke 4. stav a), ili nezaposlena lica koja zadovoljavaju uvjete iz tačke 4. stav b) ovog Javnog poziva.

Prijava na Javni poziv mora sadržavati :

1. Popunjen prijavni obrazac u formatu koji je sastavni dio ovog Javnog poziva,

2. Popunjen biznis plan u formatu koji je sastavni dio ovog Javnog poziva,
3. Obavezna dokumentacija (ovisi o vrsti aplikanta);

**Obaveznu dokumentaciju za postojećeg privrednog subjekta čine:**

1. Kopija registracije privrednog subjekta:
  - Sudsko rješenje o registraciji preduzeća (za pravna lica),
  - Rješenje o registraciji od nadležnog organa (za fizička lica),
2. Uvjerenje o poreznoj registraciji privrednog subjekta (ID broj),
3. Obavijest o razvrstavanju privrednog subjekta prema djelatnosti,
4. Prijava osiguranja osnivača/vlasnika u privrednom subjektu,
5. Uvjerenje o državljanstvu osnivača/vlasnika privrednog subjekta,
6. Izjava da osnivač/vlasnik privrednog subjekta ili njegov uži član porodice nije imao pa odjavio neku od poslovnih djelatnosti u 2021.godini,
7. Predračun/specifikacija ili drugi dokument za nabavku nove opreme i/ili novog repromaterijala koji je predmet plaćanja;

**Obaveznu dokumentaciju za nezaposlene građane koji tek pokreću biznis-start up:**

1. Uvjerenje o državljanstvu aplikanta,
2. Dokaz da je aplikant nezaposleno lice (potvrda/uvjerenje iz Porezne uprave ili Biro-a rada),
3. Izjava da aplikant ili njegov uži član porodice nije imao pa odjavio neku od poslovnih djelatnosti u 2021.godini,
4. Predračun/specifikacija ili drugi dokument za nabavku nove opreme i/ili novog repromaterijala koji je predmet plaćanja;

Obrasci trebaju biti pravilno popunjeni što podrazumijeva da su popunjena sva polja, da su jasna i čitka. Obrasci se mogu popuniti elektronski ili rukom.

## 8. OCJENJIVANJE PRIJAVA

Da bi bile ocjenjene i rangirane prijave moraju:

- biti podnešene u zadanom roku i datom formatu i popunjena sa svim traženim podacima
- sadržavati svu obaveznu dokumentaciju
- aplikanti moraju zadovoljiti uvjete iz tačke 4. ovog Javnog poziva u cilju sudjelovanja u istom

Sve prijave koje zadovolje gore navedeno će biti ocjenjene i rangirane u skladu sa sljedećim kriterijima:

	<b>Kriteriji</b>	<b>Bodovi</b>	<b>Izvor verifikacije</b>
1	Predloženi projekat je jasan, logičan i relevantan u odnosu na očekivane rezultate	0-5	Prijavni obrazac Biznis plan
2	Vrsta djelatnosti: - proizvodna - ostale djelatnosti	10 5	Biznis plan/Rješenje o registraciji
3	Aplikant za poticaje je nezaposleno lice koje pokreće poslovnu djelatnost -start up	7	Biznis plan

4	Vlasnik/osnivač privrednog subjekta koji aplicira za poticaje je žena ili mlađa osoba (do 35 godina) Napomena: ovaj kriterij se utvrđuje na dan objave javnog poziva  NE DA	0 8	Uvjerenje o državljanstvu
5	Realizacija projektnog prijedloga će omogućiti podnosiocu prijave nabavku: - Nove opreme, mašina i/ili alata - Nove opreme, mašina i/ili alata (veći dio sredstava se koristi za ovu namjenu) i repromaterijala - Nove opreme, mašina i/ili alata i repromaterijala (veći dio sredstava se koristi za ovu namjenu) -Repromaterijala	10 7 5 3	Biznis plan/ Predračun/specifikacija ili drugi dokument o nabavci opreme/repromaterijala
UKUPNO:		40	

Ocjenu i rangiranje prijava na javni poziv obaviti će Komisije za odabir biznisa koju imenuje Gradonačelnik.

Nakon ocjenjivanja prijava u skladu sa navedenim kriterijima, utvrđuje se rang lista prijava u skladu sa ostvarenim brojem bodova i donosi odluka o raspodjeli sredstava. Odluka o raspodjeli sredstava će biti objavljena na oglasnoj tabli i službenoj web stranici Grada Cazina.

Konačni odabir prijava koje će se financirati iz poticajnih sredstava će biti zasnovan na poretku rang liste i raspoloživim sredstvima.

## 9. OBAVEZA KORISNIKA

Svi korisnici poticajnih sredstava su dužni da:

- redovito (u skladu sa dinamikom koja će biti definisana u Ugovoru) izvještava Grad Cazin o realizaciji projektnih aktivnosti,
- da pravovremeno obavijesti Grad Cazin o mogućim problemima u realizaciji projekta,
- aplikanti koji su aplicirali za podršku u osnivanju novog privrednog subjekta su obavezni završiti proces registracije u 2021.godine,
- Prava i obaveze kako korisnika tako i Grada Cazina će biti detaljno definisana u Ugovoru o dodjeli sredstava.

## 10. DINAMIKA REALIZACIJE JAVNOG POZIVA

Predviđeni vremenski okvir za realizaciju aktivnosti Javnog poziva je slijedeći:

Aktivnost	Datum
Organizovanje Info dana za potencijalne aplikante i obuke na temu pripreme biznis plana	06.12.2021.godine u 13h Gradska vijećnica
Rok za podnošenje prijava	10.12.2021.godine

## 11. NAČIN PODNOŠENJA PRIJAVE

Rok za podnošenje prijava je do 10.12.2021 do 15.30 sati.

Prijave sa prijavnim obrascem, biznis planom i svom potrebnom dokumentacijom, propisanom javnim pozivom, dostavljaju se u zatvorenoj koverti preporučenom poštom ili lično na protokol Grada Cazina (šalteru broj 1.) na sljedeću adresu:

**Grad Cazin**

**Trg Prvog predsjednika Predsjedništva R BiH Alije Izetbegovića bb,**

**77220 Cazin**

**sa naznakom:**

**„NE OTVARATI“ - Prijava na javni poziv za odabir korisnika poticajnih sredstava za održivost privrednih subjekata u 2021.godini“.**

Prijave dostavljene drugim putem, kao i neblagovremene i nekompletne prijave se neće razmatrati.

Obrađivač:

Služba za privredu

Broj: 01/GN-04-11125-2/21

Cazin, 02.12.2021.godine

GRADONAČELNIK

Mr. Nermin Ogrišević